



Kõbg a yiib sën yi Bugum koambë wã, mam ka yã b buud lae, yaa nebã b tara sãbse, tı yaa wala yugmã zuya tı b pãbd nebã ne-ba, la pagba sën yeelge n yaool n yaa bæla, n toeemd rao yam, n kënd n kuledë

Yii Abu Hurayrat nengë (Wënd yard be a yĩnga) a yeelame: tı Wënd Tën-tuuma (Wënd puusg la A tulgr be a yĩnga) a yeelame: «Kõbg a yiib sën yi Bugum koambë wã, mam ka yã b buud lae, yaa nebã b tara sãbse, tı yaa wala yugmã zuya tı b pãbd nebã ne-ba, la pagba sën yeelge n yaool n yaa bæla, n toeemd rao yam, n kënd n kuledë, b zutã yaa wala yugma zëg sën kille, b ka na n kē arzãnä, b ka na n wum a yũugã, la arzãn yũuga bee fo sën na n kēn woto la woto zĩigë».

[Naşun Şahuhun (Gom-sikdem sën manege)] [A Muslim n togs-a]

Nabiyaã (Wënd puusg la A tulgr be a yĩnga) bugsdame n yit kõbg a yiib sën be nebë wã, sën yaa Bugum koamba, Nabiyaam ka yã-b ye, b ka zĩnd Nabiyaamã wakatë wã ye, b na n wa zĩnda Nabiyaam loogr poorë: Rëenem kõbga: yaa neb sën tar sãbse, tı yaa wala yugmã zuya, n yaa wogdo, n tar-b n pãbd nebã, bãmb me la pols-rãmbã la na-wëgdbã sõngdba, neb nins sën pãbd nebã tı ka tũ ne hake wã. La kõbg a yiib soabã: yaa pagb sën lak yãn-zoεeg la yõk-m-meng fut n bas b mense, Wënd sën naan pagbã yalε ning zugã basbo. La Nabiyaamã sif-b lame n yeele: tı yaa pagb sën yeelg hakuk pugë, la maana pugë, b yaa bæla, bala b yeelgda fut sën yaa faase, n vënegd b yĩn-gõngã, b luta b yĩnsã sãnda la b lakd sãnda n basdë; tı yaa neeremã la b na n vëneg n wilg nebã, b yaa sën kuled raop sũy n tugd b nensë, b yeelgdame n kënd n pugdë b kënë wã, n kuled b bãgdã, la b leb n yit sabab tı b taabã kuledë, la b kedgdë, leb n bee b sif-rãmbã pugë, tı b zutã yaa wala yugmã zëg sën kille, bala b waoogd b zutã n wukd-ba ne bãmb sën vind-b ne pεela la sën wõnd woto, La a sën wõnes-b ne yugmã wã zëgã yaa b zoobdã sën zëkã la b nus-yëesã b zutã yĩngã, la b lagem-a ne yei nins sën naag zoobdã halı t'a wa tug n kille, n be zugã kirengã wala yugemd zëgr sën kull to-to ningã. Rënd pagb nins sif-kãensã sën be b nengë wã, yaa bãmb la puleng wëng-kãngã sën yaa kegengã sën be ne wã, b ka na n kē arzãna, b ka na n wum a yũugu, b ka na n pus n pëneg a yũugã ye, la arzãnä yũug beeme tı b wumd a yũugã zĩig sën zãre.

النجاة الخيرية
ALNAJAT CHARITY

